



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola XI. Caelestini Papae I. Ad Ephesinae Synodi Patres, Estqve
Encyclica.

urn:nbn:de:hbz:466:1-14918

*Ezech. 33.
1. Tim. 2.*

consulamus. Nonne nobis respondet illico per prophetam, mortem se nolle morientis, & per apostolum Paulum, omnem hominem velle saluum fieri, & venire ad scientiam veritatis? Nunquam displicet Deo accelerata in quocumque correctio. tuæ sit hoc sanctitatis, cum venerando fratrum * Concilio, ut orti in ecclesia strepitus comprimantur, & finitum, Deo annuente, negotium votua correctione discamus.

*Studium &
vigilantia
Cælestini.*

2. Cor. 10.

Conuentui autem nos deesse non dicimus: neque enim ab his absentes esse possumus, quibus nos vbiunque positos, fides tamen vna coniungit. Nolo nos corpore isto censeri, cuius præsentiam Apostolus assignat infirmam: illic sumus; quidquid illic pro omnibus agitur cogitamus, spiritualiter agimus, quod corporaliter agere non videmur. Studeo quieti catholicae, studeo per euntis saluti, si tamen voluerit ægritudinem confiteri. Quod ideo dicimus, ne volentise corrigere, forsitan deesse videamur. Nam etsi & nobis sustinentibus vuam, spinas sibi addiderit: impleatur, manentibus statutis prioribus, sui fructu iudicij: colligat quod fulco diabolico seminavit, non nostro consilio, sed se periturus auctore. Probet nos veloci pedes ad effundendum sanguinem non habere, quando sibi etiam se medicum cognoscat oblatum. His autem, quos erga catholicam fidem tua fraternitas dicit se habere suspectos, si scripta direxerint, pro qualitate rerum eis nos respondere necesse est: in quo negotio nemo subrepet, quia tota cautione tractatur. Data Nonis Maii, Bassi & Antiocho viris clarissimis consulibus.

EPISTOLA XI.

CÆLESTINI PAPÆ I.

AD EPHESINÆ SYNODI PATRES,
EST Q.VE ENCYCLICA.

Cælestinus episcopus sanctæ Synodo apud Ephesum constitutæ.

Exod. 15.

TANDEM malorum fine gaudendum est. Tandem nobis omnibus in commune dicendū: *Dexteratua, Domine,*

glorificata est in virtute, dextera manus tuæ confregit inimicos.
 proprie namque ipsi confracti sunt, quando iniqua loquen- Psal. 62.
 tium, dicente David, os videamus esse obstructum. Huiuscetamen tam fideliter peractæ rei vos executores, defensores nobiscum videmus fuisse fidei * sacerdotes, qui conuenientes in vnum, &, secundum Apostolum, non quæ ve- Philip. 1.
 stra sunt querentes, sed quæ Christi Iesu, negotium Domini minus egistis. Apud vos ergo de vestra loquimur sanctitate, quorum in omnem terram sonum gaudemus exisse, cum & in finem eiusdem orbis prædictæ veritatis a vobis verba venerunt. Deus noster non patitur latere quod præsttit, quia nunquam beneficia superna celantur. Ita namque fit, ut tanto munere innotescente cælesti, pro voluntate diuina (sicut scriptum est) omnis homo saluus fiat, & ve- 1. Tim. 2.
 * ego niat ad scientiam veritatis. Loquor ergo * victoribus, & qui in prælium solam contra hostem portauerunt fidem, quæ, 1. Ioan. 5.
 Ioanne dicente Apostolo, vicit & mundum. Vobis eiudem proprie perscribo sermonibus, qui secundum diuinam paginam, ut patres cognouisti quod ab initio est, & ut iuuenes, dum fortes estis, & verbum Domini in vobis manet, vicistis malignum, in talibus sociis gratulantes. De hoc euentu minime dubitabamus: habuit animum nostrum fiducia sperandi, qui vobis videremus diuinæ causæ pondus incumbere, quos bene admodum noueramus, secundum illud propheticum, odisse congregationem maligno- Psal. 25.
 rum, & cum impiis non esse seffuros. Optime ergo hoc credidi, quia contra nocentes atque peruersos (sicut supradictus ait) innocentes & recti adhaerent mihi.

Vna igitur eademque relatione per filios nostros religiosos & Deo amabiles viros Ioannem presbyterum & Episcopatum diaconum deiectionem iustum, & exaltationem didicimus iustiorem, illud quod in euangelio legitimus, approbantes: Quia Deus noster exaltat humiles, & potentes de sede deponit. A qua sententia ille noster sapientissimus minime deuiauit, qui ait, a Deo nostro humilium seruatam memoriam, & perditam superborum: quod quando magis videatur impletum, quam nunc, cum salvator noster paras benemeritos honorare, ossa hominum sibi placentium dissipauit, & prouiso pastore dignissimo, feralem lupum de ouibus suis immaculatus agnus eiecit?

Concil. Tom. 4.

Q q q ij

Psal. 24.
 De Nefto-
 riti deposi-
 tione, &
 ordinatio-
 ne Maxi-
 miani.

Luc. 1.

Psal. 9. 33.
 & III.

Legimus eius a vestra fraternitate scripta primordia, nec quisquam nostrum mirari potuit, quia nota dixistis: assertio impendatur incertis, testimonium comperta non quærunt. Bonorum hunc actuum palaestra semper exercuit: talem hunc didicimus, qualem in literis inuenimus: talem certe (ut breuiter dicam) qualem doctor noster esse præcipit sacerdotem, ut conuenienter omnium iudicio mereatur audire: *Ecce vere homo Iheralita, in quo dolus non est.* Nonne laudibus in eum vestris ista conueniunt? Taliter denique, quæ dixistis, audistis. Talem successorem quærebat sanctæ memoriam Sisinnii beata simplicitas, ut locum suum nonnisi sui similis obtineret: etenim melius agimus, si abstinentes iam ab illius sacrilegi nomine, sedem vacasse dicamus. Actum est diuino iudicio, ut hunc ecclesia pro remedio mereretur. Denique discordiam tulit, & concordiam reddidit ordinatus. Quid non poterit præstare per tempora, cuius hoc primordia præstiterunt? Hæc de eo inuicem dicimus, quem pax reparanda quærebat. Interfuimus, nec nos diximus absentes, cum eius capiti verba mystica dicerentur, cum redderetur omnibus diuina lætitia salutaris: postremo, nemo illic catholicon defuit, vbi omnes in commune vicerunt.

De Theodoſii Auguſti pietate.

Lætati præterea sumus clementissimi de hoc & Christianissimi principis testimonio, cum epistolis dilectionis vestræ eius sententiam videremus esse concordem. Nec mirum est, si cor regis, quod est in manu Dei, cum his senserit, quos eius nouerit sacerdotes. Itaque sermo regalis diuinæ res exequendo multiplicat * in Augusto: felix imperium, cui militat executio diuinorum, nec hic minus felix, quem prædicat dominatio mundanorum: hoc testimonio dignus est, qui ordinandus probari, non qui improbari potuit ordinatus. Scimus quo itinere sanctus frater & coepiscopus noster Maximianus, quibus gradatim stipendiis ad fastigium sacerdotale peruenit. Non hunc diuinarum gloria, non velut in potentia cupidum, qui solet inesse ambientibus, honorum saltus euerxit; suffragio pauperum, quibus fidelis seruus & prudens cibum dabat in tempore, super omnia Domini sui constitutus est bona, & tamen etiamsi desiderium fuit episcopatus, nonnisi propter opus bonum (sicut ait

Matt. 25.

Apostolus) concupuit : ita Deus noster, & quid velimus, & cur velimus, attendit. Quis dubitet, posse magis agere præsidentem, quod potuit exercere subiectus? Exosus & blasphemus istud officium non poterat habere, id est, corporum curas, qui nitebatur animas vulnerare: facta est ruina eius magna, tam ruina magna, quam praua doctrina. Nunc qui de præteriti emendatione gaudeamus, cauere nos conuenit in futurum, ne possint magis ac magis quæ abscissa sunt pullulare: quia necesse est, quo-cumque pestis hæc loci sit, nostri corporis membra vexen-tur, & per patientiam nostram peiora prioribus nutrita videantur.

Scripsimus clementiæ principali, vt de sanitatis medio longius infirmitas auferatur. Didicimus namque hunc Antiochiam reuertisse, atque sibi illic, vnde venerat, viuendi præstitam facultatem. Innocentum exitium est istud exilium. Aspiciamus diligenter quid illic possent parere, quæ illuc sunt ante concepta. Non est notis suadere difficile: in oculis est eiusdem ciuitatis ecclesia, quæ per hunc periit sacerdotem: & tamen laboramus aduertere quis cui fuerit causa peccati, nisi forte (quod pro quiete ecclesiarum dicimus) deceptum se ille demon-strret, deserendo damnatum. Sed quis illic speret aliquem posse corrigere, vbi arcem tenere videat peruersitatis auctorem, vbi colatur ab omnibus exolatus? Magna illic est (quod lugentes dicimus) desperatio sanitatis, vbi (sicut Isaías dicit) *omne caput in dolore, & omne cor in mæstria a pedibus usque ad caput.* Quando ibi membrum ali-quod habere poterit spem salutis, vbi periclitatur cor-poris tota compago? Elaborate, fratres carissimi, elabo-rate, obsecro, vt vere tollatur de medio vestrum qui hoc opus fecit: sola decet tales homines solitudo: vbi enim debet hic inuenire solatium, qui sic tractauit vbiique re-gnantem?

Peracta est a vobis totius summa negotii: agendum nunc est quod instat & restat, ne sit in vacuum labora-tum. Longius quidem sumus positi; sed per solicitudi-nem totum proprius intuemur. Omnes habet beati Petri apostoli cura præsentes: nos ante Deum nostrum de hoc possumus excusare, quod scimus: nam quamquam

De Neto-
rio Longius
alegando.

Solicitudo
curæ palto-
ralis Ro-
mani pon-
ficiis.

Qq q iij

hæc quæ loquimur, sanctitas vestra tacuerit, agnoscimus tamen omnia diligentius requirentes. Tantæ igitur causæ finis, qui supereft, aetibus vestris, quæso respodeat: quia nolumus in modico vos deesse, qui maxima peregistis. Adiutorio apud reges terræ his estote quæ scripsimus: norunt & ipsi quid suis debeant præstare temporibus: sciunt quod catholicæ fidei fundamento sua regna subsistant. Puta ab heredibus sanctis paternæ & auitæ credulitatis vena seruatur; fluit ab illis incorrupta per posteros, nec hanc in his aliquis vñquam limus infecit: custodit fortis, cui fidelis est cursus exordium; cum id quod in origine acceptum est, videtur in prole.

De liberanda Antiochia a Nestorio.

A.B. II.

Canem & operarium malum pariter persequamur: facite præsentes, quod hortamur absentes: nam cum hanc curam generaliter omnibus debeamus, præcipue tamen nos conuenit Antiochenis præcipitantibus subuenire, quos pestifer morbus obsedit. Absoluamus modis talibus citiutatem, in qua (sicut Actus apostolorum loquuntur) diætos primum legimus Christianos: omnibus virtutem præstemus, quibus secundum religionem debere nos nouimus quod vocamur. Hanc autem solicitudinem nostram præsentes probarunt Deo amabiles filii & carissimi atque animis nostris acceptissimi Ioannes presbyter & Epictetus diaconus, quos reuersos ad vos festinato remissimus, sollicitus hoc agentes, ut quos diebus dominicæ nativitatis accepimus, resurrectionis dominicæ tempore redderemus.

Qui recipiendi ad ecclesiæ sint lapi episcopi.

De his autem qui cum Nestorio videntur parum pie consensisse, atque se socios eius sceleribus addiderunt, quamquam legatur in eos vestra sententia, tamen nos quoque decernimus quod videtur. Multa perspicienda sunt in talibus causis, quas apostolica sedes semper aspergit. Quod loquimur, Cælestianorum testantur exempla, quod spem de Synodo hucusque gesserunt. Habent, si resipiscunt, copiam reuertendi: quod his solis non permittitur, quos proprie cum auctoribus hærefose omnium fratrum constat subscriptione damnatos. Per Dei namque misericordiam aliquos ex eorum numero ad nos iam rediisse gaudemus. Quod hoc consilio factum est, ut quos conscientia mixta non poterat, saltem sententia separa-

ret. Hoc, moneo, vestra fraternitas sequatur exemplum: sit caput sceleris cum his, quos synodalia loquuntur statuta, damnatum; reliqui quos cum hoc sentientes in communione ecclesiastica non habemus, in ciuitatibus suis & se in nostro collegio nouerint non futuros, nisi secundum ecclesiasticum & Christianorum principum constitutum, damnata hæresi cum auctoribus sociisque damnatis, se profiteantur catholicos sacerdotes. Quam formam etiam circa eos volumus custodiri, qui subripiendum ex ecclesiasticis causas a Christianis principibus crediderunt, & alio ordine rursus ecclesias occuparunt.

Antiochenum vero, si habet spem correctionis, episcopum a vestra fraternitate volumus conueniri: ut nisi quæ sentimus senserit, nouellam blasphemiam eodem exemplo scripta sua professione condemnans, intelligat de se quoque ecclesiam, quod fidei nostræ respectus imperat, ordinare. Credendum tamen de diuina est misericordia, quod omnes in viam redeant veritatis, si de superdicto loco horum malorum caput & causa auferatur. Data Idibus Martii Aetio & Valerio consulibus.

E P I S T O L A XII.

CÆLESTINI PAPÆ I.

AD THEODOSIVM IVNIOREM.

Cælestinus episcopus Theodosio Iuniori Augusto.

CAVSIS suis diuinam prouidentiam præstítisse quod sperabamus, agnouimus: nec enim aliud futurum mentes poterant æstimare fidelium, regnantibus vobis, quam id quod euénisse gaudemus, ut prædicatio in Deum impia concideret, & cum suo auctore noui dogmatis damnata prauitas deperiret. Illata quidem fidei bella sunt, & regis aeterni sacrilegis verborum iaculis nativitas appetita; sed vos Christo Deo nostro auctore regnantes, hostes impios fidei vestræ virtute vicistis, cælestem reuocantes triumphum, per quod religioso munimen in perpetuum præstetis imperio. Vere enim prophetica gloriæ vestræ vox conuenit, & regnum vestrum dici po-

De Ioanne
episcopo
Antioche-
no.